

【王者對決3】曹星如IG報平安：已回家，消腫需待兩星期



【體路專訊】曹星如昨晚（7日）與前世界拳王、日本的河野公平對決一戰，於第7回合因左眼被打腫至無法開眼，故拳證決定中止賽事，最終曹星如雖因點數獲勝，但賽後因傷勢嚴重直接送院。但經一晚留院後，Rex今日在其社交網站報平安，表示：「我已經返到屋企啦！昨天經過醫生嘅檢查，冇咩大礙??要等啲腫消，起碼兩星期！」並向觀眾交待昨晚細節。

曹星如發表全文如下：

我係度同大家報個平安先?我已經返到屋企啦?昨天經過醫生嘅檢查，冇咩大礙??要等啲腫消，起碼兩星期?。琴晚留院觀察嘅時候，我睇左少少網上面嘅留言，大家好似有少許疑惑?，我希望可以解答到各位?。我個傷係因為第二回合，被對手嘅頭部猛烈撞擊而引致嘅?，而且之後每個回合我都感覺佢不斷腫脹，視野越來越細。由第四回合開始，註場醫生係每一個回合都會上擂台邊檢查，問我：「睇唔睇到野?可唔可以打落去?」我同教練都即刻回答：「冇問題!可以繼續!??」打到第六個回合打打下，台上裁判突然暫停，叫註場醫生檢查傷勢，再一次問我：「睇唔睇到野?」我答：「冇問題!可以繼續!??」直到打完第7回合，休息時間，醫生再次檢查，今次醫生一望我，就不停搖頭!沒有問我問題，直接講：「隻眼已經不能夠打開」同裁判商量，第8回合開始前決定終止比賽!當下，我立刻爆出一句「Sh*t?」開始崩潰了。因為我同教練在

沒有棄權，並因傷勢嚴重的情況下終止比賽，所以我們進入計分判決。 #左眼打不開 #大家放心我無事 #真係要好好休養一番 #期待好返食番餐?

曹星如 Tso Sing Yu @rextso 分享的貼文 於 2017 年 10 月 月 7 9:29 下午 PDT 張貼

資料來源：曹星如Instagram

相關報導：

[解說曹星如點數取勝中的TECHNICAL DECISION](#)

[曹星如證實內出血影響視力留院治理](#)

[額頭「起瘤」無礙奮戰！曹星如贏點數達成22連勝：超級痛但我盡咗全力！](#)

[潘啟情輸形勢贏點數：有現場觀眾打氣我先頂到落去！](#)